

Prezidénsia Konsellu Ministrus

VIII Governu Konstitusional

Komunikadu Imprensa

Sorumutuk Konsellu Ministrus nian loron 29 fulan-Abril tinan 2020

Konsellu Ministrus hala'o sorumutuk iha Auditóriu Kay Rala Xanana Gusmão nian, iha Ministériu Finansas, iha Dili, no aprova ona projeto Dekretu Lei, ne'ebé apresenta husi Ministru Koordenadór Asuntus Ekonómikus, Fidelis Leite Magalhães no Governadór Banku Sentral Timor-Leste (BSDL) nian, Abraão de Vasconselos, kona-ba alterasaun dahuluk ba Dekretu Lei n. 23/2017, loron 12 fulan-jullu, kona-ba Sistema Garantia Crédito (SGK). Ho alterasaun ida-ne'e, asesu husi empreza mikro sira-nian ba SGK loke tan, hodi aumenta tipu atividade ekonómica ne'ebé prienxe rekizitu ba programa ne'e.

Sistema garantia crédito hanesan mekanizmu apoiu nian ida ba empreza mikro, empreza ki'ik no empreza média (EKEM), liuhusi ne'ebé Estadu responsabiliza ba risco konsesaun crédito nian hamutuk ho banku komersial sira, hodi fó garantia ida ne'ebé sobre montante máximo ida to'o 70% husi empréstimo sira ne'ebé fó no ne'ebé kumpre rekizitu legal hirak ne'ebé estabelese ona. SGK ne'e nia objetivo princípio mak atu contribui ba estrutura empresarial ida ne'ebé sólida no viavel, ne'ebé favorece empreendedorismo, kriasaun emprego no crescimento husi economia nacional.

Primeiro-Ministru, Taur Matan Ruak, apresenta ona projeto Dekretu Governu nian, ne'ebé hetan ona aprovação husi Konsellu Ministrus, kona-ba Medida sira atu Ezekuta Renovasaun ba Deklarasaun Estadu Emergência ne'ebé fó sai husi Dekretu Presidente República nian n. 32/2020, loron 27 fulan-abril, hodi hatán ba pandemia COVID-19. Relaciona ho renovasaun ba deklarasaun estadu emergência nian ne'e, Governu, liuhusi Dekretu ida-ne'e, asegura ninia ezekusaun, hodi adota medida hirak ne'ebé nesária atu previne moras ne'e, satan pandemia ne'e, salva vida no asegura subsistência husi kadeia abastecimento beins no servisu esencial sira ba ita-nia populaun, maske medida sira-ne'e bele limita direitu no liberdade fundamental balu.

Relaciona ho Dekretu Governu nian N. 3/2020, loron 28 fulan-marsu, proibisaun ema husi rai-li'ur atu tama iha território nacional mantein nafatin, ho exesaun ne'ebé prevee ona antes no ho exesaun ba estrangeiro hotu-hotu ne'ebé hala'o atividade profissional iha setor petrolífero nian.

Regra sira kona-ba controlo sanitário atu tama no sai husi território nacional nafatin la iha mudanca. Relaciona ho regra sira kona-ba distanciamento social nian, Diploma ne'e hatete katak agente sira forsa segurança nian tenke sensibiliza ema hotu-hotu atu kumpre regra hirak ne'ebé define ona, bandu ema atu labele halibur malu, hato'o ba sira katak bainhira la kumpre orden ida ne'e sei considera nu'udar crime desobediência nian, identifica ema sira ne'ebé la respeita regra sira no hato'o kadas keixa ba Ministério Público.

Dekretu Governu nian ne'e permite atividade transporte público nian sira, naran katak vefkulu sira ne'e tenke hamoos nafatin loroloron molok hala'o operasaun, no motorista, ajudante no passageiro sira tenke uza máscara protesaun nian no evita kualkér contato físico.

Relaciona ho regra sira kona-ba asesu ba loja no serbis-fatin sira, regra sira kona-ba cliente no funcionário sira tenke uza máscara, fase liman molok tama ba fatin sira ne'e no respeita distância física pelomenos metru ida ho balun sei mantein nafatin. Força segurança nian no inspetor sira husi autoridade segurança alimentar no ekonomika sira bele haruka ema hirak-ne'ebé la kumpre regra sira sai husi fatin ne'e, halo identifikaun ba ema hirak ne'e no hato'o kadas keixa ba Ministério Público. Regra sira ne'e sei aplica más ba merkadu sira, maibé husi parte autoridade no administrasau munispal sira, sei kria condic平安 hirak ne'ebé nesária no halo controlo, atu nune'e ema bele kumpre regra sira ne'ebé estabelese ona. Vendedór dalan ninh sira, tenke uza nafatin máscara protesaun nian no tenke mantein distância pelomenos metru ida husi vendedór dalan ninh sira seluk.

Medida sira kona-ba funcionamento husi administrasau público no asesu ba fatin hirak ne'e, ne'ebé uluk estabelese ona sei mantein nafatin, no lista kona-ba servisu público sira ne'ebé considera esencial sei aumenta tan no lista kona-ba atividade sira iha ne'ebé direitu ba greve hetan suspensaun define ona.

Dekretu Governu nian ne'ebé agora hetan ona aprovação ne'e hateten katak membro Governu ne'ebé sai nu'udar responsável ba saúde, sei bele determina, karik considera katak presisa duni ba protesaun saúde pública nian, rekizisaun temporária ba espas no estabelecimento partikular sira. Iha kazu hirak ne'ebé iha justifikaun loloos, Konsellu Ministrus sei bele rekizita beins imóveis no móveis partikular sira-nian.

Konsellu Ministrus aprova ona projeto Dekretu Governu nian, ne'ebé Ministru Negócio Estrangeiros no Cooperativa, Dionísio da Costa Babo Soares, apresenta, ne'ebé aprova regulamento kona-ba subsíduo ba sidadaun timorense sira ne'ebé temporariamente hela iha rai-li'ur no sira seluk ne'ebé la'ós residente maibé obrigado hela iha rai-li'ur lai, tanba situasaun epidemiológica Coronavírus foun. Montante subsíduo nian ne'e sei selu kada fulan no depende ba custo moris iha país ne'ebé sira hela ba. Benefício sira husi medida hirak ne'e mak estudante timorense sira ne'ebé la'ós bolseiro, ne'ebé depende lois de'it ba apoio financeiro husi família ne'ebé hela iha Timor-Leste no sidadaun timorense sira ne'ebé labele tama iha Timor-Leste tanba fronteira tako hela.

Konsellu Ministrus aprova ona más projeto Dekretu Lei, kona-ba alterasaun daruak ba Estatuto Militar FALINTIL Força Defesa Timor-Leste (F-FDTL) nian, ne'ebé aprova husi Dekretu Lei n. 7/2014, loron 12 fulan-marsu. Alterasaun ne'e nua objetivo mak atu compatibiliza Estatuto F-FDTL ho documento estruturante lubuk ida iha área Defesa nian no ho kontestu legal atuál, maka hanesaun, Lei Defesa Nacional nian, Conselho Estratégico Defesa Nacional nian, Conselho Estratégico Militar nian, Sistema Força Nacional nian, Misaun sira Força Armada nian no Dispositivo F-FDTL nian.